

東三省義軍又擊沉日軍破艦三艘 中日休戰協定今日舉行正式簽字 廣東海軍起激戰海虎廣金被繳械

我軍擊沉日艦三艘

△松花江大戰最近情報

停泊於哈爾濱江中之日本砲艦五艘。於近日向依蘭開拔。欲進攻松花江下游之我國義勇軍。詎當該五艦駛至新農時。被該地我國自衛軍截擊。當時發生劇戰。旋我軍所預埋之水雷爆發。結果日艦沉沒三艘。餘兩艘亦負傷而逃。隨艦沉沒江中者。有軍士六百餘名。各種軍用品無數。逆料敵軍遭此挫折。將不敢再度嘗試。

(五月五日午前四時本社上海電)

中央得到報告。松花江日本艦隊。近日大舉進攻依蘭。行至中途與義軍發生大戰。結果敵艦當時沒沉三艘。損失甚大。我軍現乘勝着着追敵。聲勢甚壯。

(五月五日午前四時本社南京電)

國旗飄揚於東三省

△義軍發動賊軍則倒戈

滿洲偽政府之軍隊。因感於受敵軍壓迫之痛苦。連日相繼反正。倒戈反對偽府。聯絡各路義勇軍及救國軍。向敵軍進攻。據最近各方所得消息。除黑龍江全境早已見青天白日滿地紅國旗遍地皆是外。吉林遼寧兩省。亦已逐漸有此現象。相信將來不難根本推翻敵人之勢力。

(五月五日午前四時本社上海電)

占山軍已克復賓州

△着着向阿城方面推進

由黑龍江木蘭渡過松花江之馬占山軍隊。協同吉林之義勇軍。在賓州以東之地。大破敵軍後。已於昨(四)日克復賓州城。馬部現向阿城前進。將在該處截擊日軍之退路。

遼東救國軍總動員

△成立總司令部統軍權

遼東十八路軍已受命總攻。進展甚速。各地潛伏待機之義士。均於此時紛起響應。北平方面。昨(四)日接到報告。謂十八縣之義軍。現已聯成一氣。並改名為遼東救國軍。各部之編制。已經劃一。

(五月五日午前四時本社上海電)

遼東救國軍各將領。已聯名發表通電。宣稱實行用東三省民衆之血與肉。與敵軍作長期之奮鬥。誓抵抗到底。以爭取最終之勝利。促全國民衆。能繼起作最高尚之犧牲。

遼東救國軍已設立總司令部。以統一指揮。總司令部之下。分設十八路總指揮部。分率部隊。進攻滿洲偽政府及日本之軍隊。現總司令部已發出總攻擊命令。目的在先佔滿陽周圍之各重要城市。以斷絕敵軍之交通。

(五月五日午前四時本社上海電)

遼東救國軍各將領。已推定唐聚伍為總司令。王桐軒萬同及林盛御三人為副司令。其餘各路總指揮。亦已委定。軍容甚壯。

(按)五月四日日本東京專電云。東北各地之救國軍及義勇軍。着着勝利。軍威大振。遼東十八縣之義勇軍。現已總動員。日內必有大戰。

郭泰祺被擊傷之後

△中央已下令嚴辦暴徒

昨(三)日中午。上海各團體。派遺代表謁郭泰祺。質問對日協定簽字之事件。其中有暴徒多人以簽訂辱國喪權條約之罪加諸郭氏。將郭氏毆傷。并擾亂郭氏辦公處。中央以該暴徒橫行無忌。卽下令嚴辦。

(五月四日午後三時本社南京電)

停戰正式會議未開

△已改期五月五日開會

停戰正式會議昨(三)日未開會。因暴徒毆打郭泰祺。致不能赴會。現改期五月五日開會。

(五月四日午後三時本社南京電)

休戰協定今日簽字

△重光葵郭泰祺負全責

中日停戰會議最終會議。定於本(五)日上午舉行。會議地點。仍定在上海英領事館。各種爭執之點。已完全解決。此次會議不過屬於形式上之表示而已。中日休戰協定仍由日本首席代表重光葵及我國首席代表郭泰祺。負責簽字。其他代表則屬副署性質。但因重光與郭氏均負傷臥在醫院。不能出席會議。故彼二人之簽字。將在醫院中舉行。

(五月五日午前四時本社上海電)

外間傳說無足置信

△中央要人已經有聲明

國府某要人。否認中日休戰協定為辱國之條件。據稱是種協定不特與國聯之議決案相符。且成立之後。可使上海局勢。逐漸恢復未發生以前之狀態。總之中央絕無對日方退讓之理。民衆不可為各種謠言所惑云云。

(五月五日午前四時本社上海電)

南京外交部次長徐謨。於昨(四)日對新聞記者發表談話稱。上海停戰協定。已定期簽字。協定中已規定恢復正月二十八日以前狀態之時期。最近外間所起之種種傳聞。毫不確實。至其因傳聞而引起之無謂誤會。對談判進行。不發生影響云。

(五月五日午前四時本社南京電)

日兵干涉我民行動

△但被我國之憲兵嚇退

濟南慘案紀念日。北平羣衆開示威大會。並結隊遊行各街市。詎料東郊民巷之日軍百餘名。企圖出而阻止學生羣衆之行動。當時幾至發生衝突。此時幸有我國憲兵開到。始將日兵嚇退。

(五月五日午前四時本社上海電)

五四運動紀念盛況

△北平有大規模之示威

北平各校學生。於昨(四)日一致休業。開羣衆大會。紀念五四運動。參加人數異常踴躍。對當局作愛國運動之示威。上海南京及其他各地之學生。均有開會紀念五四運動。學生機關乘機作救國運動之宣傳。

(五月五日午前四時本社上海電)

遇炸受傷而死之人

△川端氏於昨下午出殯

四月廿九日在虹口公園遇炸受傷逝世之上海日人協會會長川端氏。於昨(四)日下午由日人協會出殯。上海日本軍政界代表及日僑參加執紼者有千餘人。日本軍事當局。因恐再有意外事件發生。

故特派大隊軍隊。從事保護。靈柩所過之地。禁止非日本人通行。結果未起事變。

★羅文幹辭職之續訊

汪精衛及蔣介石。慰留羅文幹。勸其打消辭意。繼續維持目前之難關。但聞羅氏辭意已決。並擬於日內到滬休養。惟其辭呈尚未批准。能否成爲事實。尙屬一種問題。

(五月五日上午四時本報上海電) (按)昨日下午一時本報上海最後專電云。國民政府外交部長羅文幹。已於今(四)日上午對中央提出辭職書。

★孫科尙無意返南京

單振於昨(四)日下午。與孫科會談時局歷兩小時之久。結果尙未明瞭。但據某方消息。孫氏尙無意返南京。因其反對上海之休戰協定。且因其最近所提出之聯俄聯美主張。爲一部份南京要人所反對。故甚消極。單氏定本(五)日返南京。

(五月五日上午四時本報上海電) (按)昨日下午一時本報上海最後專電云。中央要人單振於今(四)日上午由南京乘飛機抵上海。促孫科返南京。以挽救寧粵分裂之危局。

★陳樹人之重要談話

新任中央僑務委員會主席陳樹人。於昨(四)日對新聞記者談話稱。中央現正從事設法整理僑務。現擬定實施之方案。計(一)保護華僑。(二)促僑胞團結一致。(三)振興華僑教育。(四)褒獎僑胞回國投資建設。

(五月五日上午四時本報南京電)

★廣東海軍反陳以後

廣東第一集團軍總司令部。已於昨(四)日定派招桂章。負責管理廣東之海軍事務。但未正式委任招氏爲海軍司令。招氏已派出代表。從事疏通各海軍將領。服從廣東當局之命令。聽候改編。陳濟棠已派重要人員。保管廣東海軍司令部之一切文券。從事整理一切。

★海虎廣金兩艦繳械

廣州附近之長洲砲台。昨(四)日曾與海軍發生激烈戰事。長洲砲台駐兵曾開大砲兩响。開小砲無數。得到一部空軍之贊助。已將海虎及廣金兩艦擊敗。現該艦之將士。已被完全繳械。將士悉被拘押於砲台中。聽候發落。

★黃埔附近已起戰事

廣東海軍陸戰隊第三營部隊。已奉陳策命令。在黃埔附近發動。黃埔之要隘已爲該軍所據。附近交通完全斷絕。據傳黃埔已發生戰事。局勢日趨危急。

★廣州市面謠言四起

廣東海陸軍戰事爆發。致廣州局勢更趨嚴重。廣州市面入夜九時以後禁止行人往來。擁擠陳濟棠之飛機。每日沿江視察海軍行動。市面謠言四起。人心不安。

(五月五日上午四時本報香港電)

★海軍以瓊州作根據

陳策現決以瓊州爲海軍之根據地。陸戰隊司令陳慶雲。已率一部軍艦到其地。陳策於日內在港晤張惠長後。始赴瓊州。過必要時。將全部撤往瓊州。

★廣州反蔣空氣濃厚

廣州市各民衆機關。昨(四)日曾開代表會議。討論對時局應具之態度。聞已決於日內。舉行民衆大會。反對上海之休戰協定。廣東軍政領袖。反對蔣介石及汪精衛之空氣。日趨嚴重。各將領之談話。均已表示對蔣汪不滿。且聞有一部份領袖。主張促胡漢民即返廣州。助處理一切政務。

★李宗仁昨日返南甯

第四集團軍總司令李宗仁。抵梧州後。即在該處召集部下軍官訓話。李氏復於昨(肆)日由梧偕重要將領數人返南甯。

★區芳浦定明日就職

廣東新任財政廳長區芳浦。於昨(六)日上午十時宣誓就職。區將同時就廣東省政府委員職。蕭佛成將代表西南執行部監督。

★西南組織國防委會

西南政務委員會。議決組織國防委員會。以主持抵抗外力之事務。關於組織之計劃。正在考慮之中。

(五月五日上午四時本報香港電)

★汕廈人民紛紛走避

廈門局勢愈趨嚴重。共匪着着進迫其地。昨(肆)日有千餘難民。由廈趁輪抵香港。汕頭局勢更危。聞黃岡已有一部共匪入境。汕頭人民。亦紛紛走避香港。

★日俄戰爭的第一步

德國羅加安格報駐華特約通訊員電稱。集中於哈爾濱附近之日軍。已開始分向東部及北部移動。開始作大規模之進攻行動。該電亦云。日軍此種移動之目的。雖云進攻義勇軍。但其軍事策畧上耐人尋味之事。已隱藏於從事進攻海參威之事實中。日軍與馬占山軍隊間之戰事。已在東中鐵路之東段支線區域進行中。但因消息受嚴密之檢查。對於其地現時所發生之戰事。殊難明其真象。二十二艘小輪運兵溯松花江而上。但爲華兵埋有水雷之江面所阻。致河道交通。已斷絕。相信日兵進攻之第一目的地。在佔據阿穆爾河(黑龍江)岸上之瑛瑛云。

★吉林省激戰之外訊

爾濱消息稱。劇戰正在北滿進行中。據稱中國義勇軍已佔據敦化。拘捕其地之日僑。另有一段重要之鐵路軌道。爲義軍所據。日兵村井旅已開入海林。該處六千中國義軍已退。日兵奪獲義軍鐵甲火車一輛。大砲兩尊云。

★千變萬化之議決案

國聯組織以主持遠東事變之十九國國委員會。於星期四日開會。決於星期六日開國聯全體大會。以批准最近委員會所通過關於上海休戰談判之議決案。議決案主張由四國代表組織之混合委員會。荷遇上海之局勢已改善而須令日兵撤退時。則提起日本將領注意國聯理事會及國聯全體大會議決案中之日本義務。日本前此曾激烈反對兩聯干涉中日在上海之直接談判。現聞其最終已接納此種議決。因此之故。該議決案或能在全體大會中得到一致通過云。

(四月廿九日安那打社內電)

新嘉坡羅敏申路門牌四十九號 電話二二三四二二 報費價目 報費定例 中華總商會籌賑中國難民委員會徵求